

docriver 文川网
古籍书城
入驻商家
在文川网搜索古籍书籍 获取更多电子书

中國方志叢書·華北地方·第五四五號

據

清乾隆二十六年重刊本
清·康·海纂修

影印

陝西 省

武功縣志



成文出版社有限公司印行

5679/6195



中華民國六十五年 月壹一版

武功縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

乾 隆 辛 巳 季 秋

孫 酉 峯 評 註

瑪 敬 齋 叅 訂

新 刊 康 對 山 先 生
武 功 縣 志

本 縣 藏 板

docsriver 文川网
入驻商家 古籍书城

在文川网搜索古籍书城 获取更多电子书

武功縣志目錄

渭西山人康海撰次

卷之一

地理第一

建置第二

祠祀第三

卷之二

田賦第四

官師第五

卷之三

人物第六

選舉第七

夫志者記也。記其地理風俗人物之事也。武功志。余先君子長公

聖簡古
一開卷即
分其爲
與之精華

蓋嘗述之。然縣官掌故弗嚴。人匿之矣。余於是卒成先人之志。累
序撰之。凡山川城郭與風俗推移皆地理所具。作地理第一。官署
學校及諸有司所興行皆建置之事。作建置第二。治民人者先其
神。故祠祀興焉。作祠祀第三。有田則有賦。有身則有役。田賦之政
國所重焉。作田賦第四。疆域人民非官不守。禮樂教化非官不行。
作官師第五。文獻之事邦邑所先。以稽古昔。以啟後賢。作人物第
六。科貢制行。士錄以興。作選舉第七。凡七篇。

新刊康對山先生武功縣志卷首

邑人孫景烈孟揚評註

長白瑪星阿景謙參訂

邑庠生

耿性直伯正

王應槐兆三

全枝

孫景熙季揚

何瑞雲卿

武功縣志原序

予嘗兩至武功。涉漆釣澤。陟雍邱。遊鳳麓。渡渭而尋太白。終南之
青。北顧九峻。諸山。則見碧流襟帶。翠巘揖讓。珍木蔚蒼。灑光組繡。
風氣翕乎。四來。龍虎儼而交應。未嘗不臨景命筆。而羨斯地之勝
也。及予訪后稷之墟。覽唐太宗之舊。問蘇子卿之允。參張橫渠之
象。誦康尙書之勲。然後知斯地之效。而對客談山。言未或忘之。夫
美稼不發。堯堉。修松不挺。培塿斯已然矣。若乃楨高而築堵不繼。

陳烈當作
王烈陳烈
見宋史隱
逸傳王烈
字彥方太
原人
祠祀下遺
田賦當云
田賦先古
而後今

表正而式影弗端則求諸嗣有政教者焉夫后稷政之祖橫渠教
之宗官無后稷之心者皆忍夫師無橫渠之志者皆偵客如仁義
之有托卽政教之咸興繫茲人物有不恒茂者乎雖然政不必皆
官識法者卽可立教不必皆師見道者卽可端故陳烈之政亦行
太原綿駒之歌能教齊右武功之志凡以憂夫此也志七篇地理
約而不漏建置則而有據祠祀先今而後古官師直書而勸戒自
形人物之志浩乎其無窮也君子於是乎思古於是乎徵今於是
乎開來其志已勤矣選舉崇義而黜利蓋志之良者也學者觀其
志且亦思過半矣是志也撰之者吾友康子德灑刻之者邑侯西
蜀馮玉仲則斯政教也爲有歸矣正德己卯冬十一月甲寅涇野
呂柟書

武功康子作志七篇以記載武功之故緒理要會蓋粲然明備矣

波大復集
在貞

百戶大復
集作戶口
地畝山狹
而廣戶口
由寡而衆
似未可云
降木流末
廢大復集
作睽

至其覈事顯義用昭勸鑒有可述焉夫先王之政紀其山川辨其疆域程其土宜審其俗尚肆其采物以謹封守而察時變故書叙九邱詩陳列國採風者具其美惡董事者正其得失務在因道財化追俗爲制以施于久遠已爾夫天下之勢其所由來亡不有漸苟非蚤見而力救之則其勢莫可回而患成循約而治厚生而安其始未嘗弗一致迫于風尚澆淺而德實靡敝其治不可長也戶口繁增而生利蹙薄其安不可久也可以弗慎其漸哉余覽康子之書其地畝則由狹而廣戶則由寡而衆賦役則由省而興財費則由約而靡其業產則由富而貧地利則由饒而減民性則由強而弱風俗則由厚而薄吏治則由良而奸人才則由實而虛文教則由振而委亡弗降木流末廢正趨弊者矣嗟乎豈獨一邑然哉由此可以例諸四方矣正德十四年己卯冬十二月五日大復

山人汝南何景明撰并書

重刻武功縣志序

昔在漢蕭相國入秦。先收圖籍。說者謂圖籍卽今中秘書。而余謂不然。三代詩書已盡付祖龍之炎。安所得中秘書而收之。秦所有圖籍。不過山川道塗之廣狹。郡國人民之增減。紀綱風俗之上下。然則今志之類耳。蕭相國汲汲于此。以輔成四百年之治。魏晉而後。皆不能及。則相國之識周也。相國所收之圖籍。竊以爲與今之志又異。古之志。非狐之面。邱明之核。不以操觚。故其文多可存者。而今之志。博雅不足。其弊俚。褒貶無當。其弊妄。甚者狂心謾舌。聚訟紛紜。倘令在漢。不足以當蕭相國之一盼。而又何收焉。明興百有餘年。人文蔚起。當卯正時。有康先生德涵爲首倡。顧獨偃蹇。削籍以死。而以其華袞斧鉞之權。寄之武功之志。然則康先生之志。

極意摹對
山字筆

卽古之良史不是過也。康先生亡而康先生之志愈益著。評者至
謂爲今郡邑志之最。而板本雖存。不無遺漏之恨。又其後百有餘
年。而許侯實來。迦漆水。循雍原。弔康先生之里。而首求康先生之
志。慨然表章之。然則許侯之刻康先生之志。卽古之良相。又不是
過也。夫今天下有一統志。諸省有通志。諸郡邑亦各有志。作述代
興。莫不家董狐。而人左氏。而歷世未久。銷亡幾盡。顧安得爲志者。
皆如康先生。今天下之綰綬而稱長吏。送往事居。緇塵絡繹。其遷
者。侈稱潁川。其謫者。咨嗟卽墨。而核其圖籍。百不舉一。顧安得爲
郡邑者。皆如許侯。以是采之太史。上之相國。予以觀其山川道塗
之廣狹。稽其郡國人民之增減。攷其紀綱風俗之上下。以襄成聖
天子之治。比隆炎漢。而後知康先生。生與許侯。兩人相遇。不虛耳。
余不敏。竊慕康先生久矣。而又與康先生之孫禹民。萬民友善。因

得論著其意以示後之讀康先生之志者。蓋厓趙
撰

諸家評語

胡可泉序晉書志曰。今之州郡古國也。今之志古史也。而可他擬乎。况編年乎。而何以訓乎。觀康太史志武功。童太史志沔陽。猶存史體可放也。

邑令相蓮石邦教曰。七篇文簡而明。事覈而要。且其義昭勸鑒。尤嚴而公。鄉國之史莫良於此志矣。

王阮亭蠶尾集新城縣新誌序云。以予所聞見。前明郡邑之誌。不啻充棟。而文簡事覈。訓詞爾雅。無如康對山誌武功。其他若王洪陂誌鄠。呂涇野誌高陵。韓五泉誌朝邑。喬三石誌耀。胡可泉誌秦。趙浚谷誌平涼。孫立亭誌富平。汪來誌北地。劉九經誌鄜。張光孝誌華。其地率秦地。其人率秦人也。故予嘗謂前明郡縣之誌。無愈


秦者以其猶有黃圖決錄之遺焉。

阮亭又曰近世志書能文簡事覈訓詞爾雅無如康對山之武功志。次則王漢陂之鄆志。呂涇野之高陵志。韓五泉之朝邑志。喬三石之耀志。胡可泉之秦志。趙浚谷之平涼志。孫立亭之富平志。張光孝之華志。皆秦人皆比美於對山者。

阮亭跋朝邑誌云韓五泉朝邑誌與康對山武功誌並稱先輩稱為巨擘。

阮亭池北偶談云康德涵武功官師志學柳子厚先友記柳作獨孤申叔墓碣末載其友十三人姓氏與先友記同一奇格。

宋牧仲題對山武功志卷尾詩有簡潔居然並馬班之句桂林陳榕門云對山武功志文簡事核凡所紀載悉關國計民生人心風俗確乎可傳可為志乘之極則。



新刊康對山先生武功縣志序

夫邑之有志猶歷代有史也。邑志之有前明康殿撰對山武功志猶歷代諸史之有司馬氏史也。對山蓋以史法爲志法者。讀遷史則知斯志之善矣。然此特論其文而經濟之學實載於中。未嘗以文掩事。自弱冠時卽聞秦多名志而對山武功志人皆推爲第一書。丁丑秋奉

命來邑取其志讀之。僅七篇。初疑爲簡。竟讀始知其不可增地。自有邵氏肇封迄於勝國數千載沿革與夫川原古蹟不俟煩言。歷歷可考。顧以風俗終始調移易者。責在邑長。爾志建置次第井然。官署外獨於學校興復加詳。長斯邑者得不視爲急務歟。事神爲治民之典故。祠以祀之。有修葺必書。示主祀者知所敬也。若夫地闢民聚。賦役有經。而官忘撫字。吏肆

貪承豪強任所低昂。物產因而虧竭。民力奚支。言之洞然。然使人一披覽。傷懷者。田賦志也。思深哉。是篇親民之官。尤宜三復。官師志善惡。並列。足爲勸懲。令讀者慕且懼焉。斯非當官之炯鑑耶。人物選舉二篇。可互觀。至其賢才輩出。科第聯翩。必歸諸政教。則言外之意。可思矣。要之七篇。義法原於龍門。而經濟名言。胥關治理於乎。此志之所以善哉。予庸等無能。叨荷

聖恩。簡用承乏名區。五載於茲。自慚碌碌。報稱何由。每讀斯志。法戒分明。知爲切要之編。可借以策其未逮。所憾魚魯混淆。更或點竄動移。失其本邑耳。在籍太史。孫酉峯先生。覓舊刻。細爲校讐。正其謬闕。其疑加之評註。有年矣。而志之善。乃益章焉。予求觀之。遂付梓。以公諸同好者。當不徒取其文。而遺其

所載視爲飾輪轅之虛車也。

乾隆二十六年辛巳重陽前一日知武功縣事長白瑪星阿書

docsriver 文川网
入驻商家 古籍书城

在文川网搜索古籍书城 获取更多电子书

新刊康對山先生武功縣志序

自對山康先生著吾武功志七篇。世之讀者莫不稱善。予讀斯志。數十年好之甚篤。竊謂先生實史才。以史才而見於邑志。宜其志之法。扶世教。正人心。埒於良史。而傳之獨可久焉。豈以文哉。然豈不以文哉。或謂先生史官也。故以史體爲志體。是第見其官師篇。美惡並書。別於他志。而於七篇無筆。非史法者。殆未之悉耳。夫志之與史。偶殊者體也。而無不同者法也。有其才。則有其法。體之同否。可盡拘歟。先生作志時。解史局已十載。試觀七篇中。地理建置。祠祀田賦。選舉五者。視史體復何殊。惟官師人物。義不當假史官褒貶之權。而官師人物之列於前史。如酷吏趙禹。毛若虛。其行又誰能隱之。卽明代官師。亦自有不能爲之隱者。則先生之於美惡並書。非僭也。然非後人所易效。至於明代科貢人物。有褒無貶。與

史體畧殊者在茲。故曰志者史之餘也。涇野呂氏云。康德涵漢馬遷之才。學之博猶未逮。此爲深知先生語。學者不知遷史之法。烏知斯志之卽史。知遷史之法。而徒事摹擬者。亦烏知斯志之爲史法。史才而不襲遷史之貌。耶於乎善哉。已仕者讀之。可以識政。未仕者讀之。可以勉學。而沽巧所及。則更有資於攻文者。可由此而問龍門之津也。斯誠邑乘之極則已。原刻無藏者。翻本多豕亥相淆。而予尤病其失作者本色。嘗從事校讐。欲復先生之舊。近得張子萊峯所藏善本。與他刻相參。爰正其訛謬。闕其所疑。而又以素所管窺者。妄加評點。而畧註之。自知譴劣。不足測斯志之妙遠。亦聊記予數十年讀之之功。俟後之讀斯志者。因予說而細論焉。原序二跋一。新增趙子函序一。諸家評語附序後。命次子懋錄而存。諸龔時已卯歲夏五月也。今年秋七月。明府敬齋馮公。刻先生集

方竣卽欲續刻斯志予重明府留憲於斯而非若予之徒好其文也遂樂與再爲訂之而請正於世之同好者

乾隆二十六年辛巳九月丙申興後學孫景烈書

The image shows a large rectangular frame, possibly a scan of a document page. The frame contains several vertical lines that define columns. The leftmost column is significantly wider than the others. The remaining columns are narrow and appear to be part of a table or ledger. There is a small, dark, irregular mark or smudge on the right edge of the frame, approximately halfway down. The overall image is high-contrast and grainy, characteristic of a low-quality scan.

康對山先生武功縣志後序

明殿元康對山著武功縣志七篇簡而有體。質而彌文。辭直而事核。善惡並述。以寓勸懲。無虛恢。無隱避。爲實錄而近理。論者比之太史公書。夫是固記載之極軌。志乘之標則也。顧歲久漶漫。已亥難稽。乃翻刻時復有從而點竄動移者。於康對山之志。其非完書久矣。酉峯先生者。言輒及之。爲形歎息。適余家中故有所藏原刻善本。廼取以詳校而訂正。川還對山之舊。而七篇復成完書。更以其平日所獨心得。或參考諸史集者。爲評且註也。邑侯瑪公刻對山文集。旣竟。因續付梓。匝閱月而工告竣焉。昔王新城歷數秦中名志。獨以武功爲第一。而凡他著述家。皆莫不亟稱其美善。今且復得酉峯先生評註。俾後之讀者。咸知法焉。遠矣哉。其嘉惠之心。蓋亦曷有弗極也。至書中義法之精深。體例之微密。已具詳

先生與邑侯序中。故第爲識其顛末如此云。
乾隆二十六年歲在辛巳冬十月望後五日邑後學張洲萊峯書

武功縣志卷之一

地理志第一

夫武功古有獫狁之國也。有獫狁有女曰姜原。為帝嚳元妃。生弃。教民稼穡。有功。堯封于獫狁。曰后稷。后稷卒。子不窋嗣。不窋末年。夏后氏政衰。去稷不務。乃奔于戎狄之間。周興。為岐豐之域。平王東遷。賜豐鎬于秦。獫狁為秦邑。至始皇刻天下為郡縣。以獫為榮。漢改武功縣。隸右扶風。去古獫城二十里。王莽曰新光。東漢復徙古獫城。魏置為武功郡。領美陽縣。晉改屬始平郡。後魏復為武功郡。周改雍州。武帝建德三年。復置武功郡。治郿城。已而復為縣。隋改隸京兆郡。唐武德三年。改置稷州。以武功好時。蓋屋。郿鳳泉。隸之。尋又析始平置扶風縣。四年。以岐州圍川隸之。七年。又以隸岐州。貞觀元年。隸雍州。天授二年。又置稷州。領武功。文明元年。析以

文明在天



叙數千年
沿革簡淨
詳明筆筆
有法極爲
練古

張良弼郎
張思道時
陝西州郡
皆李思齊
張思道所
據

卷一

奉乾陵乾寧二年以奉天置乾州領好時武功盩厔醴泉而屬京兆府後唐同光中隸鳳翔長興元年復立京兆而以武功隸焉後晉置武功郡後周復改爲縣宋隸永興軍路京兆府政和八年同醴泉移隸醴州金改武亭縣元復爲武功隸乾州明興因之而通屬西安府廣四十五里袤五十里東興平東南鄠南盩厔西南郿西扶風西北麟遊北乾州東北醴泉城圍三里二百三十步半附雍原之麓元末張良弼李思齊增築以據守者循原又列十有二城洪武九年長興侯弟都督忠奉詔屯戍于此以控制關內復增築之諸城皆至今存舊志云雍州之城非鬼之次有平原控其東鳳岡翼其西長川帶其北終南太白揖其南蓋古形勝之區強武之國也治凡十五里

有藤氏國說文炎帝後姜姓不窳括地志不窳故城在慶州列

里名見建置志社學下

說文炎帝後姜姓不窳括地志不窳故城在慶州列

天下為郡縣部武功俱以繁為榮後漢地理志部亭註漢改武

功縣元和志武功秦孝公時置柳子厚云隸右扶風按前漢

風有濼按後漢郡國志承徙古濼城寰宇記東漢官濼

武功三縣平八年復武功縣徙古濼城寰宇記東漢官濼

於古魏置武功郡按魏武功縣屬扶風郡後魏扶風郡領縣五

寰宇記後魏移美周改雍州築武功郡諸城置軍人復置武

功郡按隋書周置武功郡廢復為縣寰宇記周省武功郡別圍川見

地理志翻本隸岐州唐書云以置稷州唐書天授二年置稷金

改武亭金志以顯宗諱長興侯名炳

舊志有山原七川六太乙山屬盤屋太白武功兩山與表谷水屬

郡五丈原屬岐三時原屬扶風故俱不復載載其今有者

東原在縣東其南與雍原相直或曰通西原皆謂雍原云

雍原即縣西原城所附者古周原也鳳岡者原北行岡也

武亭川縣川也其南十二里古川口蓋漆水川也

通鑑武亭川註川在漆渭交合處

漆水縣東門外水今謬為武水者也自幽岐之間來縣北受浴水

南受漳水入渭鄭漁仲序地理畧謂天下如指諸掌而信漆山富

平入渭之說蓋括地志未審幽岐涇渭脈絡所在富平在涇東漆

在涇西安有岐梁之水越涇而東再至富平始入渭也漁仲誤且

如此况其餘乎詩曰自土沮漆漢書曰釐在漆縣今部與釐封

有漆村是也

按縣漆水源出舊普潤縣西青青山下經麟遊合岐杜諸矣下好味至黃家堡入縣界漁仲名樵蒲田人宋廸功限學者稱夾漆先生著通志前漢地理志漆沮水在縣西

浴水乾州西夾道水也亦從幽西梁山來意此或卽沮水關西

讀浴若于沮固易訛爾漁仲亦以東自富平入渭殊誤

詩小雅吉
曰漆沮之
從此漆在
澤之東卽
禹貢之漆
也與古公
自土沮漆
之漆在幽
地者別漁
仲謂由富
平入渭蓋
禹貢之
漆耳
漆水之源
出普潤東
南故漆山
漆溪
說雖未確
意自佳
讀音學其
皮可也

韋水源出
岐山華谷

按乾州西來道水名漢谷音莫欲訛云沐谷漢谷水出永壽
麻亭嶺經乾州西南三十里行夾谷中至董晁村入縣界

漳水即圍川水自扶風東門外受鳳泉水至縣南從漆水入渭

建子溝在縣南十七里近慶善宮

唐太宗
懸弧地

美陽故城在縣西原八里後漸徙鳳泉東則今扶風境內也

古釐城在縣南八里漆村東古有釐氏之國也今縣西南三十里

亦有釐城者前漢徙置之爾

史記正義曰故雍縣南七里故釐城一名武
功縣又曰故釐城在雍武功西南二十二里

高泉宮在古美陽城秦宣太后宮也

宣太后秦
昭王母

慶善宮在川口東南今没于渭唐高祖故宅武德六年改名慶善

宮太宗所生宅也貞觀六年幸之宴從臣賞賜閭里同漢沛苑帝

按唐書高
祖武德四
年幸穆州
知武功慶
善宮

docsriver 文川网
入驻商家 古籍书城

在文川网搜索古籍书城 获取更多电子书

景逐一作
日逐喘一
作龍元黃
一作芸黃
儲時一作
禾穎一作
呂才清平
人
他本陪作
落亡作巴
角作解俱
說鹿一作
兒鳴驚當
作鷓鴣
冬狩及再
幸慶善宮
二詩似宜
夷前貞觀
六年詩一
讀書

歡甚。賦詩曰：壽邱唯舊跡，豐邑乃前基。粵子承累聖，懸弧亦在茲。

弱齡逢運改，提劍鬱匡時。指麾八荒定，懷柔萬國夷。梯山咸入款，

駕海亦來思。單于陪武帳，景逐衛文幄。端冕朝四岳，無為任百司。

霜節明秋景，輕冰結水涓。元黃遍原隰，儲峙積京坻。共樂還讎燕，

歡此大風詩。起居郎呂才被之管絃，為功成慶善樂，名九功之舞。

十一年冬獵于武功。賦冬狩詩曰：烈烈寒風起，慘慘飛雲浮。霜瀆

苑，玉勒騁平疇。旌旗四望合，置網一面求。楚陪爭麋殫，秦亡角鹿

愁。獸忙投密樹，鳴鷲起沙洲。騎歛原塵靜，戈迴嶺日收。心悲浴沛

逸，意在涓瀆遊。禽荒因再幸，慶善宮上更賦詩曰：代馬依朔吹，驚

非所樂。撫轡更招憂，積善祈餘慶。暢武悅成功，垂衣天下治。端拱

承睿德，懷舊感深衷。丹陵幸舊宮，列筵撤故老。高宴聚新豐，駐蹕

車書同。白水巡前跡，瑞氣縈丹闕。祥烟散碧室，孤嶼含霜白。遙山帶日紅，於焉歡擊筑。聊以詠南風，帝又有過武功

舊宅詩二篇。許敬宗上官儀應制奉和焉。今悉著于篇，可以概見

當時之盛云。帝詩其一：新豐停翠輦，鵲色駐鳴笳。圍荒一徑斷，臺

占半階斜。前池消舊水，昔樹發今花。一朝辭此地，四

球別本作
求誤偃伯
冠印偃師
慈德寺今
在城南立
節村

海蓬成窠其二金輿巡白水玉輦駐新豐紅落藤披架花殘菊
歲庭鋪荒草蔓流竭半池空綬佩蘭凋徑舒珪葉剪樹昔地一
內今宅九圍中架海波澄鏡藉戈器反農八表同文軌無勞吹
風敬宗詩飛雲臨紫極出震表青光自爾家襄海今茲反帝刑
深感代國樂甚寡譙方白水浮佳氣黃星聚太常參鳳鳴層閣
雀賀雕梁桂山猶總翠蘅蒨向流芳擊鱗有遺結沐德林稱
詩石闕清晚夏旋輿御早秋神麾颺珠雨仙吹響飛流浦水祥
泛宛郊瑞氣浮大風凝漢筑叢烟入舜球翠梧臨鳳邨滋
洲偃伯歌元化扈蹕頌王遊宮後又改為慈德寺史逸其年今
遺簪謬詒獎珥筆荷恩休

村北仍有寺名慈德蓋沒而遷者也
齋亭在縣西南三十里漢地理志載亭長事者也東漢徒縣古齋
城而以為亭也今屬扶風縣

後漢王植字少林除郿令到官至齋亭亭長曰亭有鬼不可宿
也植入亭止宿夜中有女子稱冤明旦召游徼詰問伏辜見獨
行傳

高望亭在縣東二十五里唐天后武氏行宮世說中宗築以望乾
陵者